



天津交通銀行同人俱樂部圖書室

左文襄公奏稿卷三十八

起同治十年辛未正月訖四月

目錄

平毀金積各巢首要各逆伏誅甯靈肅清摺

請開復陳湜原官原銜片

招回王家瞳助逆悍黨何生洲及河回乞撫情形片

拏獲東西兩山首要各逆片

安插就撫回眾請增設平涼通判都司摺

訊明通賊革員彭慶章正法片

副將黃萬發焚搶中衛拏獲正法片

攻剿楊明堡馬家灘陣亡員弁請卹片

奏稿卷三十八目錄

記名提督閻定邦等請卹片

南路官軍剿辦潰卒擒斬首逆鞏岷肅清摺

周開錫辦理甘南軍務情形片

恭謝天恩并懇追獎勞臣摺

審明叛逆眷屬按律議擬摺

穆生花眷口夥黨分別擬辦片

訊明從逆武員王錫爵等凌遲處死片

南路各軍截剿竄回獲勝摺

請禁絕回民新教摺

湘軍異常出力各員先行請獎摺

奏稿卷三十八目錄  
奏稿卷三十八目錄  
奏稿卷三十八目錄

奏稿卷三十八目錄  
奏稿卷三十八目錄  
奏稿卷三十八目錄

審明叛逆穆生花等眷屬按律議擬摺  
請將金運昌委員鄧瑞徵革職片

奏稿卷三十八目錄

軍機大臣字寄同治十年正月初二日奉

上諭定安金順奏攻克王家疇賊巢殲除首逆一摺另片奏請將陣亡總兵賈蕙山等優卹建祠等語河西王家疇賊巢壘堅賊悍經金順會同張曜督飭將士奮勇進攻疊敗援賊茲復於上年十二月十三日攻克堅巢先後殲斃逆酋多名悍賊八九千名於天寒餉絀之時建此偉績甚屬可嘉已明降諭旨將金順張曜分別加恩并將出力陣亡各員弁照所請獎卹矣王家疇已下其河西附近各堡自應乘勝進攻著金順會商張曜分軍扼紮要隘一面調治受傷士卒整理器械先行籌辦東北各堡節節掃盪至通昌通貴各堡前據左宗棠奏馬化澂投降後籌辦撫局并著金順隨

奏稿卷三十八

時咨商左宗棠如該堡回眾陽奉陰違仍著該署將軍督兵進剿勿稍遲回致墮奸計見在甯靈一帶已無陝回蹤迹所有招集流亡拊循瘡痍一切善後事宜必須實心任事之員認真經理甯夏道府州縣各官能否勝任著左宗棠隨時訪察并遴賢能守令將地方應辦事務悉心籌畫止分良莠不問漢回務令彼此相安勿任尋仇啟釁左宗棠前奏余彥祿一股已繳械投誠余彥祿亦受傷垂斃并著左宗棠飭令劉錦棠等妥籌安插勿令餘燼復燃余彥祿刻下究在何處著卽查明具奏甘省北路軍務得手恐敗逃餘匪乘隙肆竄或西竄甘涼或北出邊外著左宗棠穆圖善派兵分途截剿并著定安督飭纏金磴口各軍嚴密偵探遇賊卽擊勿

稍鬆勁將此由六百里各諭令知之欽此

奏稿卷三十八

平毀金積各巢首要各逆伏誅甯靈肅清摺

同治十年正月二十五日會銜

奏爲金積各巢概行平毀馬械概行搜繳首要各逆概行誅夷餘眾分別遷徙安插甯靈肅清恭摺馳報仰祈

聖鑒事竊陝回就撫首逆馬化澂就擒辦理情形

臣

宗棠於上年

臘月十一日拜摺後卽委總理營務處前山西按察使陳湜馳赴金積堡會商各軍統領分別次第慎密籌維期於周妥維時據劉錦棠稟稱堡牆冰凝如鐵該堡回民掘毀不速因派勇丁助其掘毀一面勒催逆弟馬九逆子馬耀邦及逆黨譚生成等搜繳馬械旋據劉錦棠黃鼎雷正綰等續報馬化澂遣人招撫河西王家疇逆賊并招回前遣助逆之何生洲等三百四十餘人歸金積就撫

奏稿卷三十八

三

馬耀邦等呈繳車輪大銅礮四尊九節藜礮四尊威遠礮二十八尊劈山礮二十尊烏槍一千零三十杆擡槍二百九十三杆刀矛二千四百八十八件洋槍一百八十杆火藥五簍鉛子七百斤硫磺二百九十斤

臣

宗棠知其隱藏尙多終爲後患密飭各統領將堡

回勒限遷徙以便清釐堡逆分別首從辦理以毖後患劉錦棠黃鼎雷正綰徐文秀等會商陳湜於陝回悉數起解後首令馬耀邦馬九等將堡眾挑選精壯者千名馬家灘挑選精壯者四百名王洪堡挑選精壯者百餘名及何生洲夥黨三百餘名名爲義勇置之外濠空堡中分交官軍就近鈐制次清點堡中貿易僑寓及被擄被脅各甘回造具戶口名冊聽候遣散遷移安插次搜捕通匪

文武員弁一面勒令馬化澂馬耀邦馬九盡繳槍械馬匹旋據繳到馬四十三匹據供近因官軍圍偏草料早乏牲畜餓斃淨盡除前繳馬五百餘匹續繳四十餘匹外實無存畱洋槍軍火實無藏匿如經搜獲心甘坐罪并取具切結適助掘堡牆勇丁於堡根掘獲洋槍二百餘杆旋於堡內又掘出洋槍一千零數十杆陳湜劉錦棠黃鼎雷正綰徐文秀金運昌會議諸務均經料理就緒各堡回民漸釋驚疑乃遷王洪堡回眾於靈州城附近地方安插遷馬家河灘回眾於張家圈安插正月初七八等日乃遷馬化澂父子兄弟及各親屬眷口於濠外各廢堡中初十一等日提馬化澂馬耀邦馬九譚生成等分別熬訊有無藏匿軍械及北口開設店

奏稿卷三十八

四

鋪交通洋人情事馬化澂盡誘其子馬耀邦比晝夜熬訊馬耀邦復茹刑不吐惟詰以既具切結軍械并無隱匿存畱何以官軍復掘出洋槍洋礮至千二百餘杆之多無詞抵飾賊情之狡猾兇頑始終叵測如此十二日劉錦棠提馬化澂徐文秀提馬耀邦馬中邦馬參三犯黃鼎提馬成澂馬恆邦馬定邦馬建邦馬正邦飛飛子六犯雷正綰提譚生成父子三犯金運昌提馬九一犯同時凌遲處死其分置各廢堡之悍黨及逆黨何生洲部眾一千八百餘名內統領參領佐領先行等偽官王六馬喜等八十餘名概予駢誅無一漏網其貿易僑寓之客民及被擄被脅之甘回三千餘名解赴平涼安插金積堡老弱婦女一萬二千餘名口解赴固原州

附城數十里地方分撥荒地安插其賊巢保生堡僞號王城僭稱東府西府一切違制器具什物儀仗概予銷毀仍畱房屋爲將來建置文武衙署兵房及死事諸臣祠廟之用於是元惡悍黨殲滅無餘而罪不至死者亦無稍冤濫矣該逆陸續呈繳金銀銅錢三項共合銀十九萬兩有奇除分賞前敵馬步七十一營每營二千兩老湘一軍在事最久出力最多酌量加給外餘銀提爲遷居靈州張家圈之王洪堡馬家河灘回民購辦賑糧及水八堡修復渠工中衛採買麥種之用察看情形邊患全銷地方安謐人心稱快天討亦申非仰賴

宸謨獨運

奏稿卷三十八

五

訓飭周詳樞部諸臣籌撥餉需乘東南底定全力注之何以至此至辦此賊與辦髮賊捻逆機局不同方略亦異如湘軍之由晉入秦先平土匪繼竄重險千餘里堅堡數百座奪踞要隘擊退西甯河州援賊徑擣老巢中路諸軍之徑趨峽口不顧餉道不顧後路皆犯兵家之忌將領士卒半帶重傷而戰無虛日氣不少衰卒能履險如夷平茲積年巨患其功固偉其勞苦尤爲可矜合無仰懇天恩破格優獎以昭激勸三品卿銜布政使銜卽選道法福靈阿巴圖魯劉錦棠自接統老湘馬步全軍以來和輯將士恪遵紀律謀而能斷慮以下人其臨陣身先士卒英銳絕倫實統將中不可

多得之才應請

旨逾格錄用并

賞穿黃馬褂統領蜀軍二品頂帶存記錄用陝西陝安道呼敦巴圖魯黃鼎籌畫精詳臨陣整暇扼賊要津連克堅堡洵屬謀勇兼資應請

賞穿黃馬褂陝西提督

賞穿黃馬褂革職畱任達春巴圖魯雷正縮膽力堅定能得士心臨陣勇敢不辭勞瘁應請

旨開復革職畱任處分并照一等軍功例從優議敘記名提督銜僧額巴圖魯金運昌心地樸誠近尤英銳異常不避艱險應請

賞穿黃馬褂提督銜廣東高州鎮總兵達春巴圖魯徐文秀膽識

奏稿卷三十八

六

兼優英銳出眾所部礮隊最爲得力應請

旨開高州鎮缺以提督遇缺題奏記名提督猛勇巴圖魯王衍慶樸實勇往攻堅出力應請

賞換清字勇號頭品頂帶記名提督江蘇蘇松鎮總兵

賞穿黃馬褂法福靈阿巴圖魯章合才頭品頂帶記名提督

賞穿黃馬褂達桑阿巴圖魯何作霖頭品頂帶記名提督

賞穿黃馬褂綳武巴圖魯蕭章開以上三員均係湘軍分統在事最久勞績卓著原稟請保世職<sub>臣</sub>等以世職未敢妄擬應候

聖裁頭品頂帶記名提督

賞穿黃馬褂博奇巴圖魯陶定昇頭品頂帶記名提督呼敦巴圖

魯

賞穿黃馬褂李雲貴以上二員均係湘軍營官之最爲出力者原稟請保世職<sub>臣</sub>等以世職未敢妄擬應候

聖裁頭品頂帶記名提督倭什洪額巴圖魯熊有常頭品頂帶記名提督綳武巴圖魯喻執益頭品頂帶記名提督請換清字勇號曾松明頭品頂帶記名提督穆精阿巴圖魯王承贊頭品頂帶記名提督請換清字勇號尹興茂頭品頂帶記名提督剛安巴圖魯周雲祥頭品頂帶記名提督請換清字勇號席大成以上七員均係湘軍營官之出力者原稟請保世職<sub>臣</sub>等以世職未敢妄擬應候

奏稿卷三十八

七

聖裁記名提督請換清字勇號曹義勝記名提督請換清字勇號湯彥和記名提督請換清字勇號孫桂亭記名提督請換清字勇號朱德開記名提督請換清字勇號鄧光發記名提督請換清字勇號譚和義記名提督請換清字勇號羅照陞以上七員攻勦奮勉均請

賞給頭品頂帶記名提督佃勇巴圖魯彭煥彰記名提督勛勇巴圖魯曾萬友記名提督爽勇巴圖魯王福田記名提督驃勇巴圖魯金德恆提督銜總兵傑勇巴圖魯張春發以上五員均請

賞換清字勇號記名提督舒雲翼記名提督謝明月記名提督謝壽松總兵銜儘先補用副將譚慎典以上四員均請

賞給清字勇號記名提督請換清字勇號李其森記名提督請換清字勇號舒永勝以上二員均請

旨交部照一等軍功例從優議敘記名提督請換清字勇號蕭元亨記名提督請換清字勇號陳啟明記名提督請換清字勇號李勝本提督銜記名總兵請換清字勇號張拔萃以上四員請

賞給三代正一品封典提督銜記名總兵何明海請

旨記名以提督遇缺題奏儘先推補副將郭宗儀請

旨記名以總兵遇缺題奏副將銜安徽儘先補用參將陳宗蕃請以副將仍畱安徽儘先補用并

賞加總兵銜參將銜補用遊擊陶鼎金請以參將補用并

奏稿卷二十八

八

賞加副將銜都司銜五品軍功董福祥請以都司補用并

賞戴花翎都司銜張俊李雙良均請以都司補用并

賞戴藍翎鹽運使銜分發省分補用知府李樹棠請免補知府以道員分發省分補用都統銜記名副都統蒙古鑲紅旂佐領鏗僧額巴圖魯雙壽衝堅陷陣迅厲無前請

賞穿黃馬褂記名副都統拉林正白旂佐領花翎委營總花良阿

請

賞給頭品頂帶吉林烏槍營鑲黃旂花翎驍騎校儘先協領吳俊

請

賞換清字勇號花翎儘先副將李廣珠請免補副將以總兵記名

遇缺題奏花翎副將銜參將陳天壽請免補參將以副將儘先補用并

賞加總兵銜花翎儘先遊擊趙連科請免補遊擊以參將儘先補用并

賞加副將銜花翎儘先參將郎永清請以副將儘先補用花翎守備胡起雲請以都司儘先補用并

賞加遊擊銜雷川補用遊擊鄭朝剛請

賞給勇號儘先提督哈西巴巴圖魯徐占彪驍勇超羣深諳戰略數被重創壯懷彌厲請

賞穿黃馬褂升用提督捷勇巴圖魯黃有忠升用提督效勇巴圖

奏稿卷三十八

九

魯劉治均提督銜補用總兵強勇巴圖魯趙興隆提督銜儘先補用總兵壯勇巴圖魯陳攀仙儘先補用總兵揚勇巴圖魯黃虎臣儘先補用總兵著勇巴圖魯何玉超以上六員均請

旨記名以提督遇缺題奏并均請

賞換清字勇號提督銜儘先補用總兵呼敦巴圖魯陳春萬請

旨記名以提督遇缺題奏儘先補用總兵黃祖福請以提督升用并

賞給勇號補用副將陳登雲補用副將黃得勝均請以總兵補用并

賞給勇號補用參將龍得勝李登高均請以副將儘先補用并

賞給勇號補用遊擊李洪超黃兆熊均請以參將儘先補用并  
賞給勇號補用遊擊高青雲儘先補用遊擊李吉安均請以參將  
補用并

賞加副將銜花翎都司劉玉同請以遊擊補用并

賞加參將銜擬保花翎守備吳元璋請免補守備以都司補用并  
賞給勇號記名提督綳武巴圖魯王鳳鳴記名提督霍隆武巴圖  
魯方庭芝以上二員臨陣勇敢辦事安詳請

賞穿黃馬褂提督銜記名總兵法克精阿巴圖魯宋朝如提督銜  
記名總兵武勇巴圖魯張懷玉記名總兵請換清字勇號王化成  
以上三員均請以提督遇缺題奏并

奏稿卷三十八

十

賞加頭品頂帶補用提督請換清字勇號徐名揚記名提督斐凌  
阿巴圖魯隋君廷以上二員均請

賞給頭品頂帶提督銜總兵信勇巴圖魯楊步斗請

賞換清字勇號總兵銜副將精勇巴圖魯韓尙吉總兵銜副將固  
勇巴圖魯李華文以上二員請

旨記名以總兵遇缺題奏并

賞換清字勇號副將銜參將循勇巴圖魯高得勝補用參將擬請  
勇號邵升堂均請以總兵補用副將銜參將悍勇巴圖魯董布亮  
請以副將儘先補用并

賞加總兵銜副將銜參將擬請勇號郭占元請以副將補用并

賞加總兵銜遊擊銜都司龔心明牛允誠均請免補遊擊以參將補用副將銜遊擊馬心勝儘先補用遊擊邵維常請以參將補用

并  
賞加總兵銜總兵銜福建補用副將彭清和請以總兵畱於陝甘補用并

賞給勇號總兵銜廣東補用副將鄭守南請以總兵畱於陝甘補用并

賞給正二品封典甘肅補用參將陳締高請以副將仍畱原省儘先推補并

賞給勇號副將銜儘先補用參將周玉南請以副將畱於甘肅補用并

奏稿卷三十八

十一

賞加總兵銜守備銜藍翎外委季勝忠請以守備儘先補用并  
賞換花翎五品軍功外委楊德高請以守備儘先補用并

賞戴藍翎福建儘先補用參將鄧增請以副將歸原省補用頭品頂帶記名提督剛安巴圖魯陳廣發總兵銜福建補用副將馮南斌攻克峽口堵禦援賊最爲出力陳廣發請

賞給正一品封典馮南斌請

旨以總兵記名畱於甘肅補用并

賞給清字勇號其餘前敵各軍出力員弁及各軍擬保文員應請彙入攻克金積堡案一併保獎以示鼓勵

臣

宗棠衰病之軀智慮

鈍拙一切勦撫機宜次第均密商督辦甘肅軍務甯夏將軍臣穆  
圖善贊理軍務陝西巡撫臣蔣志章酌奪辦理幸免疏誤謹合詞  
恭摺馳報伏乞

皇太后

皇上聖鑒訓示施行謹 奏

軍機大臣奉

旨另有旨欽此

請開復陳湜原官原銜片

同治十年正月二十五日

再已革布政使銜山西按察使著勇巴圖魯陳湜此次委辦金積堡機要各務與諸統將悉心商推次第籌畫審機致決無濫無縱盡協機宜俾大局速臻安謐實屬勞績卓著懇懇天恩開復原官原銜以示鼓勵謹附片具奏伏乞

聖鑒訓示施行謹 奏

軍機大臣奉

旨另有旨欽此

同治十年二月初二日內閣奉

上諭左宗棠等奏平毀金積堡賊巢首要各逆伏誅甯靈肅清出力各員請獎一摺甘肅回逆馬化澂等於同治八年秋間擁眾復叛盤踞靈州所屬金積堡老巢句結陝甘各回四出竄擾經左宗棠派軍分途截剿節節掃蕩并令道員劉錦棠等徑擣逆巢壘將附近賊壘攻破四面鎖圍該逆勢窮乞撫勒令平毀堡寨呈繳軍械猶敢遷延觀望并於堡內埋藏洋槍洋礮一千餘件匿不繳出是其心懷叵測怙惡不悛實屬罪無可逭見經劉錦棠等將首逆馬化澂父子兄弟及逆黨譚生成等概行正法洵足以伸天討而快人心見在堡寨一律平毀餘眾分別安插其起獲銀十九萬兩

奏稿卷三十八

古

零除分賞各軍外著左宗棠將所餘銀兩爲遷居靈州之回眾購辦賑糧俾安生業仍督飭各軍將各股回匪次第進剿以期全省廓清陝甘總督一等伯左宗棠運籌決勝調度有方著加恩開復降三級畱任處分并賞加一騎都尉世職甯夏將軍穆圖善陝西巡撫蔣志章協籌防剿均合機宜穆圖善著交部從優議敘蔣志章著交部議敘道員劉錦棠接統湘軍克平巨憝著加恩賞給雲騎尉世職并賞穿黃馬褂所有尤爲出力之道員黃鼎著賞穿黃馬褂提督雷正綰著開復革職畱任處分并照一等軍功例從優議敘金運昌著賞穿黃馬褂廣東高州鎮總兵徐文秀著開缺以提督遇缺題奏提督王衍慶著賞換業普肯巴圖魯名號曹義勝

等七名均著賞給頭品頂帶彭煥彰并賞換達桑阿巴圖魯名號  
曾萬友著賞換畢倫巴圖魯名號王福田著賞換喀拉崇依巴圖  
魯名號金德恆著賞換綽勒觀巴圖魯名號總兵張春發著賞換  
哲爾精阿巴圖魯名號提督舒雲翼著賞換珠爾杭阿巴圖魯名  
號謝明月著賞換霍勤巴圖魯名號謝壽松著賞換瑚松額巴圖  
魯名號副將譚慎典著賞換都隆額巴圖魯名號提督李其森等  
二員均著交部照一等軍功例從優議敘蕭元亨等四員著賞給  
三代正一品封典總兵何明海著記名以提督遇缺題奏副將郭  
宗儀著記名以總兵遇缺題奏參將陳宗蕃著以副將仍畱安徽  
儘先補用并賞加總兵銜遊擊陶鼎金著以參將補用并賞加副

奏稿卷三十八

五

將銜軍功董福祥著以都司補用并賞戴花翎都司銜張俊等二  
員均著以都司補用并賞戴藍翎知府李樹棠著免補知府以道  
員分發省分補用副都統雙壽著賞穿黃馬褂花良阿著賞給頭  
品頂帶協領吳俊著賞換希吉爾暉巴圖魯名號副將李廣珠著  
免補副將以總兵記名遇缺題奏參將陳天壽著免補參將以副  
將儘先補用并賞加總兵銜遊擊趙連科著免補遊擊以參將儘  
先補用并賞加副將銜參將郎永清著以副將儘先補用守備胡  
起雲著以都司儘先補用并賞加遊擊銜遊擊鄭朝剛著賞給驍  
勇巴圖魯名號提督徐占彪著賞穿黃馬褂黃有忠等六員均著  
記名以提督遇缺題奏黃有忠并賞換阿克敦巴圖魯名號劉治

均并賞給吉利杭阿巴圖魯名號趙興隆并賞換阿克丹巴圖魯  
名號陳攀仙并賞換伯奇巴圖魯名號黃虎臣并賞換西林巴圖  
魯名號何玉超并賞換霍霏彥巴圖魯名號總兵陳春萬著記名  
以提督遇缺題奏黃祖福著以提督升用并賞給樸勇巴圖魯名  
號副將陳登雲黃得勝均著以總兵儘先補用陳登雲并賞給衛  
勇巴圖魯名號黃得勝并賞給略勇巴圖魯名號參將龍得勝李  
登高均著以副將儘先補用龍得勝并賞給迅勇巴圖魯名號李  
登高并賞給毅勇巴圖魯名號遊擊李洪超黃兆熊均著以參將  
儘先補用李洪超并賞給騰勇巴圖魯名號黃兆熊并賞給質勇  
巴圖魯名號高青雲等二員均著以參將補用并賞加副將銜都  
司劉玉同著以遊擊補用并賞加參將銜擬保守備吳元璋著免  
補守備以都司補用并賞給壯勇巴圖魯名號提督王鳳鳴方庭  
芝均著賞穿黃馬褂總兵宋朝如等三員均著以提督遇缺題奏  
并賞給頭品頂帶提督徐名揚等二員均著賞給頭品頂帶總兵  
楊步斗著賞換伊勒達蒙額巴圖魯名號副將韓尙吉李華文均  
著記名以總兵遇缺題奏韓尙吉并賞換斐凌阿巴圖魯名號李  
華文并賞換烏能依巴圖魯名號參將高得勝等二員均著以總  
兵補用董布亮著以副將儘先補用并賞加總兵銜郭占元著以  
副將補用并賞加總兵銜都司龔心明等二員均著免補遊擊以  
參將補用遊擊馬心勝等二員均著以參將補用并賞加總兵銜

副將彭清和著以總兵畱於陝甘補用并賞給鞬勇巴圖魯名號  
鄭守南著以總兵畱於陝甘補用并賞給正二品封典參將陳締  
高著以副將仍歸甘肅儘先推補并賞給恆勇巴圖魯名號周玉  
南著以副將畱於甘肅補用并賞加總兵銜外委季勝忠著以守  
備儘先補用并賞換花翎楊得高著以守備儘先補用并賞戴藍  
翎參將鄧增著以副將仍歸福建補用提督陳廣發著賞給正一  
品封典副將馮南斌著以總兵記名畱於甘肅補用并賞給霍隆  
武巴圖魯名號其餘出力員弁准由左宗棠彙案保奏另片奏已  
革布政使銜前山西按察使陳湜委辦金積堡事宜勞績卓著等  
語陳湜著開復原官原銜以示鼓勵該部知道欽此

招回王家瞳助逆悍黨何生洲及河回乞撫情形片

同治十年正月二十五日

再臣前於馬化澂隻身款營得報時卽飭前敵諸軍暫緩其誅勒令先招撫河西王家瞳及通昌通貴兩堡蓋以河西各賊巢惟王家瞳堡堅黨悍非猛攻所能驟下也旋據劉錦棠稟稱已函商金順張曜得其復函旋飭馬化澂遣回目馬殿魁前詣河西官軍辦理并據馬化澂稟王家瞳內有何家珩悍黨何生洲一股三百數十人助逆請委員同馬殿魁前去招回劉錦棠於十二月初一日遣都司李貢章湯廷幹同馬殿魁赴王家瞳諭知各逆先繳馬械次毀寨牆聽候金將軍張軍門示遵李貢章湯廷幹於初六日同馬殿魁帶何生洲股眾三百餘人仍回金積堡繳馬十二匹擡槍

奏稿卷三十八

六

十杆洋槍十七杆小槍九杆刀矛二百四十餘件其通昌通貴兩堡亦由馬化澂寄信告知金積撫局已成屬其就撫已有赴河西官軍營盤繳馬者臣於上臘十一日拜摺後七日接前敵各軍馳報王家瞳外垣已於十二日經金張兩軍乘賊不備踏破鏖戰一晝夜復將內牆攻破堡逆概行勦洗接閱之餘良深幸慰并服其赴機神速能相喻於不言之表也旋據陳湜稟十二月二十八日夜有通昌通貴陝回男女二百餘名赴黃鼎營就撫據回目王姓稟稱通昌堡已平毀惟通貴堡尚未平盡劉錦棠等已函詢金順張曜計此時早已蕞事矣其陝回首逆余彥祿兩腮傷痕潰爛日甚一日已於正月初十日斃於雷正綰營傍空壘其陝回逆目馬

正剛則已於就撫後跌斃長濠中矣至陝回崔三禹得彥馬生彥等已由涼州西甯折回河州其夥黨冶士俊已於余彥祿股眾就撫時一同就撫解至化平川安插據稱崔禹等逆股眾祇四千餘其河州窮回隨同竄走者亦不過數百人是西甯涼州所報賊數近萬者不足據見據撫回李德昌稟求赴河州諭撫回眾卽指馬占鼇馬尅大及崔禹等逆而言是該逆之急於就撫李德昌受其央託可知臣批准李德昌前往但聽其自投不許招致謹將實在情形一併附陳伏乞

聖鑒謹 奏

軍機大臣奉

旨另有旨欽此

奏稿卷三十八

九

拏獲東西兩山首要各逆片

同治十年正月二十五日

再固原北至金積路出東西兩山之中兩山繚互數百里最爲藏奸淵藪自進兵以後雖節節掃盪步步立營然徑路分歧山谷盤互零匪伏匿其中乘間劫殺時所不免自應挑土著回民作爲眼纜探知頭目蹤迹迅起掩之乃期得手疊據記名提督周紹濂稟報所部左營管帶官總兵李良穆派弁李昭林及回目馬益順王益萬李存昇於上年十月二十九日在羅家要險地方追剿回逆獲勝生擒逆目王金玉管帶旌善頭營都司銜馬柏森在羅山坡一帶剿賊獲勝生擒西山要逆譚生邦丁萬圖馬三保三犯

臣查

奏稿卷三十一

三

海之夥也批飭解營訊決東山賊目李映春卽野賊明起成卽明七十子兩犯係馬化澗死黨李映春爲李旺堡逆目偽號元帥明起成僞號先行前於各疏中曾詳陳之該逆屢經官軍擊敗黨夥散盡而賊首不獲終虞死灰復燃適撫回陳聚安探報李映春明起成見匿張家川之瓦窰堡當飭陳聚安會同軍功李德昌密速掩捕明起成就獲而李映春先遁旋據管帶中路左營總兵李良穆報稱十二月十二日派弁同回目李存昇馬益順捕得李映春之黨楊大山等數名訊知李映春竄至東山卽令楊大山等引導前往掩捕十四日生擒李映春及其子李存英遂提明起成及該犯父子一併斬梟據統領武威軍署平慶涇道魏光燾報良回馬

宗保捕獲南八坊逆目馬海奇馬俊并生擒逆回馬捨娃子三犯  
又署鹽茶廳照磨董麟會同管帶旌善二營良回穆進善稟獲逆  
目馬俊綽號紅套褲一犯訊明斬梟又據周紹濂報稱十二月初  
十日李存昇拏解要逆楊大娃子查楊大娃子於同治三年穆生  
花襄陷固原州城時曾帶萬餘人僞號順天王上年隨同馬正和  
圍攻預望堡馬正和爲官軍擊斃該逆仍與明七十子合夥肆行  
劫掠當卽斬決梟示據馬柏森報捕獲王花臺逆賊馬義等十九  
犯謝家段頭賊目僞元帥王添發及其黨王成幅王虎子台馬四  
等四要犯批令解營訊決據管帶西征馬隊參將楊正茂報十二  
月十三日由馬營監護送運省餉項軍火十四日探得距麻子川  
十餘里景家口有賊揮隊奮擊斃步賊百餘名生擒十餘名逆目  
袁和合已斃於陣此東西兩山及會甯安定捕斬要逆多名實在  
情形也見查未獲逆目惟狗齒牙子靖遠聶子馬才棕馬母驢閻  
希孟金添委等數犯業經分飭魏光燾及總兵吳隆海步隊遊擊  
熊隆名馬隊勒限嚴捕理合附片據實具陳伏乞

聖鑒謹 奏

軍機大臣奉

旨另有旨欽此

同治十年二月初二日內閣奉

上諭左宗棠等奏平毀金積堡賊巢安插陝西撫回李德昌前赴河州諭撫回眾東西兩山捕斬首逆各摺片金積堡首要各逆馬化澂等均已伏誅甯靈肅清本日已明降諭旨將左宗棠等及出力各員分別加恩獎勵矣章合才等十二員統帶湘軍異常出力此次所有勞績著左宗棠先行擬請獎敘仍著該大臣存記俟甘肅全省廓清再行奏請恩施化平川安插陝回各事宜左宗棠所籌均臻周妥惟回俗素畏頭目而誦經祈福之阿渾尤易蠱惑愚蒙著該大臣慎選地方官隨時化導加意撫循務令各安生業以免再滋事端東西兩山及會甯安定等處最易藏奸除已擒斬要

奏稿卷三十八

三

逆多名外其未獲逆目狗齒牙子等該大臣卽嚴飭魏光燾等認真搜捕毋任一名漏網李德昌求赴河州諭撫馬占鼇馬尙大及崔禹等逆左宗棠見令李德昌前往但聽其自投不許招致該大臣總當察看該逆等虛實情形穩慎以圖如該逆仍怙惡不悛務當嚴飭各將領乘此軍威進剿河狄西甯各逆巢以次蕩平毋得一意主撫致爲該逆所給穆圖善亦當檄飭近省各軍聯絡聲威俾得膚公早奏近聞周開錫在南路剿匪辦理一切輿論未協且與甘肅各勇營不相輯睦恐激事端左宗棠當隨時查察不可信任過專致誤事機見在鞏秦各屬有無大股賊匪北路旣已肅清該大臣應進紮何處抑赴省垣居中調度如統師前進後路尤當

妥爲布置著蔣志章會商劉銘傳將陝甘毗連各要隘嚴密扼堵  
毋稍疏虞將此由六百里各諭令知之欽此

奏稿卷三十八

安插就撫回眾請增設平涼通判都司摺

同治十年正月二十五日

奏爲安插陝西就撫回眾事畢請增設平涼通判一員平涼營都司一員以資鎮撫恭摺馳奏仰祈

聖鑒事竊陝回寤蹙就撫經

臣馳報欽奉

恩旨允准旋據三品卿銜卽選道劉錦棠陝西提督雷正綰陝安道黃鼎等分起押解陳林一起男婦大小一千五百六十四名口馬振江一起男婦大小八百四十八名口赫青選一起三百八十三名口馬化瀾一起一千二百七十八名口余彥祿閻興春余兆臨拜萬江金明堂安傑等各起男婦大小五千五百五十餘名口內除挑出壯丁四百名交安傑藍明泰帶隨官軍征剿外餘俱陸

奏稿卷三十八

五

續解赴平涼其老幼婦女無親屬夫老者五百七十餘口病餓不能行走畱養廣武營聽其痊愈擇配沿途除病斃外復收集從前散匿東西兩山餘眾五百餘名口比齊抵平涼

臣兩次親臨點驗

實共一萬有奇內除前安插平涼回民認領親眷五百餘名口外

實發化平川安插者男女共九千四百餘名口察看壯丁不過二

千餘皆老弱疲病而已化平川地在華亭縣西北一百七十餘里

東南距平涼百里南連崆峒西北均阻高阜巖壑環峙兩水縈繞

一爲化平川一爲聖女川合流匯白面河入清水縣界川中橫寬

五六里長三十餘里似亦前代安置降人之地顧其詳不可得知

臣前委記名道馮邦棟前往相度改聖女川曰聖諭川爲宣講之

所白面河曰北面河示拱極之義飭千總牟春陽帶土勇二百四十名分紮關山三才鎮各口調記名總兵喻勝榮帶所部平江營扼紮化平鎮以司稽查馮邦棟帶同委員於化平鎮點驗之後按口俵給賑糧丈量地畝按戶分撥房屋審洞大致定妥購給附近該處土宜種子酌發耕牛騾驢督其開墾播種察看回眾情形於九死之中得此生路其不敢再萌異志固在意中惟回俗畏所管頭目較之漢民畏官尤甚而彼教誦經祈福之師名爲阿渾又時以異說蠱惑愚蒙爲回俗所信奉以致一夫倡變亂者四起從前道光年間張格爾以回教阿渾和卓構亂者此也按阿渾回教名阿訇訇與洪音近漢民呼爲阿洪今之馬化澹卽新教總阿訇也

奏稿卷二十八

五

和卓卽回教所稱教師後裔貴種在阿渾中尤尊明史所稱火者卽和卓之音訛馬化澹署其父墓碑稱爲教父蓋竊和卓貴種之意耳欲變其舊俗同我華風亦非先王不易民而治之理惟於安插伊始於編審戶口中隱寓聯甲之意十戶一長百戶一百家長令其鈐束散戶而設官董之凡一切戶婚詞訟均取決焉乃可散回目之勢而以其權歸之官庶幾政令行而統紀一回民鮮讀孔孟之書故不明義理因而不知趨向今欲其誦讀服習一從儒教事有難行然臣前奉到

聖諭十六條附律易解一書義蘊精深詞旨易曉而大經大法畢具於此上年曾敬謹刊印頒發陝甘各州縣校官朔望宣講令漢

回士民有所遵守今復發化平川回民俾知不易其教者  
朝廷惇大之施不鄙夷其民者

聖化覃敷之義長治久安或基於此如蒙

俞允添設化平川廳通判化平川營都司則廳屬各員營屬各弁  
亦應添設咨當續行陳明請

旨謹將籌辦情形據實附奏伏乞

皇太后

皇上聖鑒訓示施行謹 奏

同治十年二月初二日內閣奉

上諭左宗棠奏安插陝西就撫回眾請增設官員以資鎮撫一摺

奏稿卷三十八

美

陝西就撫回眾一萬有奇除該親屬認領外共男女九千四百餘  
名口均安插華亭縣化平川地方經該督飭令道員馮邦棟前往  
散給賑糧丈量地畝按戶分撥房屋窰洞并購給籽種酌發耕牛  
驢騾督其開墾播種辦理均屬妥協著該督飭令總兵喻勝榮等  
妥爲彈壓一面檄飭該地方官加意撫綏毋使失所遇有詞訟案  
件止分曲直不分漢回總以持平辦理勿任稍滋事端其所請添  
設化平川廳通判化平營都司各缺著該部議奏餘著照所議辦  
理欽此

訊明通賊革員彭慶章正法月

同治十年正月二十五日

再已革前甯夏縣知縣署靈州知州彭慶章久陷賊中爲賊謀主陝甘諸回均稱爲彭阿渾昨經陳湜黃鼎委員押解來營臣親提研訊據供革員係江蘇松江府人寄籍陝西咸甯縣捐納未入流分發甘肅游升知縣加捐同知銜問其何時因何案革職據供同治二年前任甯夏將軍慶昫以革員有通回情事奏參有

旨交多隆阿熙齡恩麟查辦多將軍時在陝西督辦軍務擬以革員發往黑龍江效力贖罪恩護督未及撤任行查嗣甯夏失守慶將軍復據平羅縣知縣長謙稟許革員勸其隨回教恩護督據以入奏奉

奏稿卷二十八

三

旨查明如果屬實卽行正法革員不敢回省四年冬穆將軍收撫甯靈回眾察明冤抑附片奏

聞委修渠工復委幫辦靈州善後勸捐嗣後大軍追剿陝回直抵金積堡馬化澂復叛革員被馬化澂羈畱堡中辦事不准放出問在賊中所辦何事據供祇辦筆墨除代做求撫稟帖兩次外別未經手問賊中僞官僞局時常交接來往否據供亦曾接見但無交情問馬化澂別處有買賣否據供馬化澂以行教爲重時遣人到各省口岸傳教是有的傳教人叫海裏飛至附本做買賣是其子馬耀邦經手革員不知詳細問馬化澂與洋人有無來往據供金積東關外店鋪多是洋貨東府西府均是花洋布糊壁生意來往

是多的別的不知道問既久在賊中官軍到時何不設法出來據供出來怕殺問何以後又出來據供堡內窮蹙萬分顧不得了察看該犯狡黠異常其通回情罪數年前已經發覺本係奉

旨正法之犯就其所供各情通逆最久實已確鑿不圖蒙面喪心一至於此比卽盡法處死以昭炯戒至此外尙有王錫爵鐵秉忠亦係從逆武弁候解訊懲辦再奏謹附片陳明伏乞

聖鑒謹 奏

同治十年二月初二日內閣奉

上諭左宗棠等奏訊明已革知縣通賊確情盡法懲治等語甘肅已革甯夏縣知縣署靈州知州彭慶章數年以前已有通回情事

奏稿卷三十八

三

嗣復久畱賊中爲賊主謀經左宗棠親提研訊據供各情其爲通逆無疑喪心昧良罪無可逭彭慶章業經訊明正法實足以昭炯戒至於從逆武弁王錫爵鐵秉忠著左宗棠一併提訊從嚴懲辦  
欽此

副將黃萬發焚搶中衛拏獲正法片

同治十年正月二十五日

再統領貴字等營肅州鎮總兵黃金山經前署督臣穆圖善派令駐防中衛旋經署甯夏將軍金順奏調助剿王家疇賊巢中衛縣城仍由黃金山畱隊駐紮詎黃金山拔隊後其義子已保副將黃萬發因違犯軍令畏罪脫逃糾合勇丁數十人於上年十一月初七夜詐稱奉調回防混入中衛縣城內肆行搶殺燒燬中衛協中衛縣衙署庫房署中衛協副將丹金札普署中衛縣知縣冒沂會同各糧局委員督率兵勇團丁堵擊貴字營畱防隊伍亦相繼追殺而來黃萬發見勢不支敗竄西門斬關遁走該文武等因事起倉卒恐城中伏賊尚多遂先搜城內拏獲匪黨劉得勝崔治田尹

奏稿卷三十八

完

林等數名駐紮四百戶之管帶楚軍定營知州黃立鼇聞警馳援金順亦飭黃金山帶馬步數十騎星夜回縣黃立鼇等追捕至石空寺地方民人將黃萬發拏獲網獻到案并先後拏獲夥黨數十人訊明分別斬梟臣因中衛防務喫緊貴字營勇既不足恃因調黃立鼇隊伍移駐中衛金順旋飭黃金山悉帶所部助剿王家疇各營回防中衛城鄉安堵如故惟老湘營辦糧委員記名提督劉祥發於黃萬發等闖入縣城時率領局勇擊賊左額爲大刀劈傷身受矛傷數處卽於是月初十日因傷身故據總統老湘軍道員劉錦棠稟稱因傷身故提督劉祥發隨同劉松山轉戰數省海保今職茲因中衛採糧倉卒遇變因傷殞命實堪憫惜合無仰懇

天恩敕部照例議給卹典并附祀劉松山專祠以慰幽魂查此案逆匪黃萬發闖入中衛縣城肆行焚搶除署中衛縣知縣冒沂甫經到任旋會同委員督帶團丁擊退并令石空寺團丁緝送首犯功過相抵請免置議外署中衛協副將丹金札普城防是其專責平時疏於防範致逆匪闖入衙署被焚雖旋經擊退未能立將首犯拏獲究屬咎無可辭應請

旨撤去署任聽候查辦肅州鎮總兵黃金山引用匪人致勾通所部勇丁釀成巨案咎無可辭應請

旨革職以示儆戒謹附片陳明伏乞

聖鑒訓示施行謹 奏

奏稿卷三十八

三

軍機大臣奉

旨劉祥發著交部照例議卹并准其附祀劉松山專祠丹金札普著卽行撤任聽候查辦黃金山著卽行革職餘依議欽此

攻勦楊明堡馬家灘陣亡員弁請

卹片

同治十年正月二十五日

再查上年九月以後湘卓諸軍進攻楊明堡馬家河灘回巢所有疊次戰狀及攻克情形均經臣隨時奏報在案茲據總統老湘軍三品卿銜道員劉錦棠統領卓勝軍記名提督金運昌統領楚軍後路等營廣東高州鎮總兵徐文秀統領蜀軍陝安道黃鼎等將各該軍進攻楊明堡馬家河灘等處歷次陣亡各員弁查明開單懇爲奏請

卹典前來臣查單內所開之記名提督康義山記名總兵擬保提督鍾福山尹洪福彭雲勝記名總兵蕭紫元補用副將擬保提督銜總兵彭明海補用副將謝興太補用都司擬保參將銜遊擊蔣

奏稿卷三十八

三

得森補用遊擊文爲富拔補守備擬保遊擊銜都司吳洪球拔補守備擬保花翎都司賀廷瑞拔補守備王祥勝拔補把總擬保守備銜千總加保花翎都司易寶山拔補千總擬保守備葉友才謝朝春李金魁拔補把總擬保守備銜千總鄧有才拔補把總羅忠蕙軍功擬保把總陳順龍孫云沛何春泉尹隸林余進龍張能臣盛榮慶參將銜儘先遊擊陳得勝都司陳得功儘先守備張得勝五品銜千總李鳳雲蔣題軍藍翎把總李得勝陳殿玉閻心樂五品銜把總傅魁生周永貴六品軍功趙學文李魁祚鳳有閩浙補用總兵蕭寶林參將廖輔臣遊擊王振升遊擊銜花翎都司李興藍翎把總郭榮顯擬保副將林定遠儘先參將嚴開富冷玉超擬

保都司黃錦圖都司李全貴守備王大興杜萬明陳炳魁徐開先  
千總馬天祿把總張啟運徐國泰外委徐廷標馬登科杜生才何  
文賦六品軍功冉洪順鍾順才楊三超黎尙舒郭萬春等六十七  
員名皆係衝鋒陷陣血戰捐軀其中擬保各員均係核明准保未  
及彙奏合無仰懇

天恩敕部均照所保官階及擬保官階議卹以慰忠魂其餘陣亡  
傷亡各將士容俟查明再行奏請

恩施理合附片具陳伏乞

聖鑒訓示施行謹 奏

軍機大臣奉

奏稿卷三十八

旨康義山等均著交部各照所保及擬保官階議卹欽此

記名提督閻定邦等請

卹片

同治十年正月二十五日

再准固原提督雷正綰牘稱該軍管帶精選中營記名提督甘肅提標後營都司博勇巴圖魯閻定邦自咸豐四年辦理本籍湖北羅田縣團練轉戰楚皖豫等省勞績卓著前陝甘總督熙齡奏調援甘撥歸雷正綰節制隨征以來大小百餘戰無不身先士卒此次進攻金積克張恩堡奪峽口疊建奇功迨鎖圍既合督修長壕不辭勞瘁詎辛勞過度舊傷舉發咯血不止於九年十月二十六日在營病故又據統領老湘軍三品卿銜道員劉錦棠牘稱所部中軍五旂管帶官記名提督博奇巴圖魯周國勝湖南湘鄉縣勇丁隨征轉戰積功洊保今職平直東捻逆剿陝北土匪無役不從

奏稿卷三十八

三

上年九月進攻金積堡左骹受槍子傷骨斷於九月十四日因傷身故又右軍左旂管帶官記名提督王秀棣由湖南衡山縣勇丁從征積功洊保今職同治八年八月進攻吳忠堡回巢左脅中槍子深入醫治罔效每遇戰事猶必裹創陷陣去冬調紮新接堡晝夜護運不辭勞瘁舊傷益劇於九年八月初九日在營身故又據統領蜀軍陝安道黃鼎稟稱該軍新後營管帶官參將朱蘭亭從征八載勦辦髮捻土回各匪無役不從無戰不勝上年九月進攻金積以兩營隊伍當逆回萬餘所向披靡右膀已受礮傷猶復裹創力戰得獲全勝詎受傷過重用力太猛回營後醫治罔效於十月初五日在營殞命又幫辦營務擬保同知直隸州員外郎銜候

選主事趙鑫自到營以來襄贊一切動合機宜辦理轉運採買等事毫無貽誤上年委赴四川募勇來甘補額馳驅數千里途中感受暑熱及返金積堡正值各軍合圍該員晝夜力疾巡查無少疏懈詎病勢日篤於十月二十日在營病故各等情懇爲奏請

卹典前來臣查各員久歷戎行助勤懋著或傷重捐軀或積勞病故實與效命疆場者無異應懇

天恩將記名提督甘肅提標後營都司博勇巴圖魯閻定邦記名提督博奇巴圖魯周國勝記名提督王秀棣

敕部照提督陣亡例議卹均附祀已故提督劉松山專祠參將朱蘭亭擬保同知直隸州趙鑫請照所保及擬保官階在軍營立功

奏稿卷三十八

書

後病故例從優議卹以慰忠魂理合附片具陳伏乞

聖鑒訓示施行謹 奏

軍機大臣奉

旨閻定邦周國勝王秀棣均著交部照提督陣亡例議卹并准其附祀劉松山專祠朱蘭亭趙鑫均著交部各照所保及擬保官階在軍營立功後病故例從優議卹欽此

軍機大臣字寄同治十年二月二十二日奉

上諭豫師奏籌辦西甯軍情等語西甯回眾頻年詭託就撫勾結外匪四處焚殺豫師以兵力不足驟難進攻暫擬鎮攝羈縻解散脅從以孤賊勢所籌尙爲因時制宜之計見在金積堡賊首馬化澹等業已伏誅羣賊自必聞風喪膽左宗棠卽應乘此聲威調派各軍規取河州等處兵貴拙速不貴巧遲諒該大臣全局在胸必已熟思審計迅速籌辦豫師業已函商左宗棠移軍狄河時豫爲分兵西進以便抽軍進紮著左宗棠斟酌情形隨時與豫師妥籌辦理刻下西甯回情漸已斂迹窩藏陝匪亦陸續西竄豫師仍當審度軍情拔隊前進相機勦撫不得徒託空言久延時日所請敕

奏稿卷三十八

三

催山東等省協餉已諭令各該省迅速籌解矣本日據英翰奏拏獲逆首宋景詩供稱伊子今年二十歲聽說在西路營裏不知真假等語該逆之子如在軍營溷迹必係詭託姓名著左宗棠飭令各營留心訪察一經查出卽行奏聞將此由五百里各諭令知之欽此

南路官軍剿辦潰卒擒斬首逆鞏岷肅清摺

同治十年二月二十一日

奏爲南路官軍剿辦潰卒頻獲勝仗擒斬首逆收輯餘眾一律肅清恭摺馳陳仰祈

聖鑒事竊范銘部眾挑選成營後餘眾潰變及辦理情形臣已於上年十二月十一日據實詳陳續據提督楊世俊張仲春等報稱該逆自十一月二十二日與官軍接仗後連次衝突均經擊敗擒斬頗多十二月初一初六等日周開錫調赴岷州會剿之涼州鎮總兵傅先宗前臺灣鎮總兵劉明燈等各率所部及臣親軍四哨并安前宗岳各營先後到岷以岷城東南四五里之教場堡香芳崖地勢高峻俯瞰城中爲賊所必爭非築堅壘徧之不足以制其

奏稿卷三十八

美

死命初八日各軍前往修壘楊世俊等料賊必出隊牽掣官軍與張仲春各率馬步列隊護之日午賊果以大股七八千人蜂擁出城分而爲兩一枝遮截楊世俊張仲春列隊之兵一枝直撲劉明燈傅先宗築壘之所各軍屹立靜以待之賊中槍礮雨注呼噪甚急楊世俊劉明燈傅先宗俟其徧近揚旂伐鼓各軍如牆而進槍轟矛刺擒斬二三百名賊勢披靡官軍縱馬蹴踏步隊繼至銳氣百倍圍賊東南川中刀斫矛刺擒斬三四百名傷者無數敗賊負創狂奔入城日暮收隊官軍亦略有傷亡此十二月初八日官軍築壘潰卒出犯迎剿獲勝之實在情形也自是兵氣愈勝賊勢愈衰中央乞撫日三數輩然首逆畏誅并無一自縛來投者官軍知

其未可遽許也仍更番攻擊炸彈所及樓堞多圯城中糧食且盡殺馬充飢每夜出攻堡覓食官軍屢邀擊之無所掠正月初八日大股賊自西門突出掠糧官軍伏於後根堡要其歸路賊至伏起陣斬悍目師仲筵潘榮華等城中復出援賊三千餘迎戰傅先宗與提督殷華廷馬步各營馳截之斬馘千餘擒其悍目楊朵會尤得祥援賊大潰劫糧之賊亦大潰斬馘無算奪獲騾馬三百餘匹槍械稱是餘賊駭走此上臘新正節次圍攻截勦獲勝之實在情形也劉明燈等察知賊勢困蹙已極必尋隙突竄乃撥馬步四面加緊圍逼適署鞏昌府知府道員湯聘珍奉周開錫檄帶前由范營分出之平西營營官鄭福及差弁韋廷苞於十一日到岷鄭福

奏稿卷二十八

七

韋廷苞均狄河人也令其入城諭潰卒毋相隨受戮諸潰卒涕泣聽命十二日二鼓潰卒頭目胡海包天成等隻身詣營乞撫并請先質妻子十四日潰眾齊出乞撫傅先宗楊世俊劉明燈記名提督張仲春殷華廷慰諭之令胡海包天成等呼首逆尤芝政安桐貞速出尤芝政安桐貞見撫局已定十五日乃挺身詣營謝罪傅先宗等傳集各降目數尤芝政安桐貞倡亂抗拒之罪斬之以徇餘眾震懼帖服乃散粟以賑其飢挑其壯健者分置各軍周開錫檄劉明燈編立副中一營臣親軍四哨編增四營外尙有三千餘人歸傅先宗殷華廷編營安插并填補缺額其老弱婦女萬餘則安置岷州檄張仲春帶宗岳三營副白旂馬隊一營鎮撫之檄署

知州呂恕編審安插給以賑糧種子督其耕作各食其力而黑頭  
勇大股多寡強弱始有確數可稽卽范銘前此所收之蘭州叛兵  
各處潰勇土匪及尤芝政等此次裹脅之難民附和之遊勇亦水  
落石出可以逐一清釐矣岷州紳民張旋乾邱映斗王映奎白生  
彩等數十名老民數百名訴稱自前任徐楊知州招收黑頭勇日  
久嘯聚愈眾始而攔路劫搶繼而攻堡殺人比賊尤甚近破后所  
小山香芳崖臥竜哈樹板達口龐家山北小路甘寨馬野倉朶兒  
壩等寨請乘此兵威一鼓殲除周開錫諭以首惡旣誅悍黨多就  
駢戮餘當曲貸以廣

皇仁仍慮土客仇衅旣深勢難并處分檄劉明燈傅先宗殷華廷  
奏稿卷三十八  
等各帶所編各營新收叛卒赴隴西伏羌秦安駐紮慎選營官哨  
官訓練鈴束以期得力臣飭其清查各案叛弁匪目及各省遊勇  
漸次分別辦理冀可銷異患以固民心惟此次各軍將士和輯用  
命疊挫兇鋒卒能擒斬首惡克平巨患微勞足錄其去冬攻堅陣  
亡將士尙未據各軍開報前來可否由臣分別開單奏請

獎卹之處出自

天恩所有潰卒被剿窮蹙擒斬首逆收輯餘眾鞏岷肅清情形謹  
據實馳陳伏乞

皇太后

皇上聖鑒訓示施行謹 奏

軍機大臣奉

旨另有旨欽此

奏稿卷三十八

美

周開錫辦理甘南軍務情形片

同治十年二月二十一日

再本月十二日欽奉同治十年二月初五日

寄諭前因周開錫辦理甘南軍務恐不得力諭令左宗棠隨時查察毋誤事機并令查明鞏秦各屬有無大股賊匪當此北路肅清南路防剿事宜甚關緊要朝廷實深廬繫近聞河州回匪三千有餘於去臘潛越洮河竄至岷州與官軍接仗復竄鞏昌阜陽川一路向東分股肆擾距秦州數十里之平南川娘娘壩鹽關李子園等處時有賊馬搶劫殺傷百姓岷州叛勇仍與官軍相持抗未就撫似此情形軍務尙無了日鞏秦爲甘省完善之區前此并未大遭蹂躪乃自周開錫總統南路諸軍旣不能禦外來之匪任其奔

奏稿卷三十八

單

突又激變范銘之勇致與官軍爲仇長賊勢熾若不及早廓清又成燎原之患著該大臣乘北路肅清迅將南路鞏秦一帶悉心布置盡殲醜類范銘見在何處其所帶勇丁有不法者亟應嚴懲有可用者卽應畱以剿賊并非楚勇之外皆爲不可用之勇且楚軍中亦未必無他省勇丁參雜其間所有范銘營勇應如何分別措置之處該大臣當秉公辦理毋得誤聽一面之詞以致僨事欽此跪讀之下曷勝惶悚

臣

任大責重不能早紓

西顧之憂并以引用非才致煩

聖慮愧歎何言惟事關大局知而不言旣乖人臣無隱之誼而言之過盡又適開議論之端晝夜思維罔知所措謹就所見所聞事

堪覆按者爲我

皇上陳之

諭旨河州回逆三千有餘於去臘潛越洮河竄至岷州與官軍接仗復竄鞏昌阜陽川一路向東分股肆擾平南川一節臣徧閱鞏秦各府州縣去臘稟報實無河州回匪三千餘潛越洮河闌入鞏勝兩次出隊旋即卻走略有擒斬臣以無關輕重未及敍奏言者所稱與官軍接仗或即指此然不獨未竄至岷州亦未竄至鞏昌也至阜陽川平南川娘娘壩鹽關李子園等處地當鞏秦之交去洮益遠從前狄道未復以前時有河回竄擾蓋洮東無軍駐守賊

奏稿卷三十八

聖

無所忌耳迨狄道既復屏蔽稍寬鞏郡迤南防軍林立洮河之可偷渡者惟康家巖一處故安定會甯時有零騎竄越滋擾臣曾參革帶勇道員李耀南而不劾鞏秦諸將者以此言者誤信一時謠傳遽以無據之詞入

告此臣所不及料也范銘皋蘭人所部黑頭勇多河州狄道人甘肅官紳以其與河回仇怨素深冀其能出死力與河回抗而黑頭勇在甘軍中猶爲出色前藩司林之望力庇之任其展轉招致不加譏察卒之冗雜日甚良楛雜糅愈不能戰而餉旣乏絕派捐民糧又以時被河回驚擾人民死喪流亡地畝荒蕪無以供億遂棄所駐之地就食岷州穆圖善規復河州徵南路諸軍由狄道進剿

初猶屢獲小捷繼藉口糧盡退走鞏秦敗不可止據梅開泰王得勝等稱當時實因黑頭勇先潰牽動各軍其詳固無從稽考然范銘全軍潰退則固無可辨也臣度隴之初見隴事敗壞至極無從措手心竊憂之然兵事有緩急賊勢有重輕自應悉心斟酌遂決意取遠勢進兵北路就近援南路而自率親兵駐中路以策應南北兩路惟南路諸軍本不足恃又挫退之後銳氣銷亡欲從新布署既苦欠餉過久撤遣無資且甘軍土客混雜其土著固有室家之戀其客兵亦皆娶婦生兒軍營惡習無所不有縱籌撤遣之資必將到手花銷仍羈異鄉流爲游手貽地方異日之患適周開錫由閩解餉來營見臣當食而歎遂自請赴南路一行臣乃令其統

奏稿卷三十八

聖

所撥宗岳全軍平江兩營點驗甘南各軍裁汰虛額成營併歸總統兼理地方釐稅錢糧諸務剔除中飽以蘇民困而濬餉源其間驕軍悍卒之囂凌同事之牽掣皆所不免而周開錫守意自如中無所懼乃復渭源狄道開屯田勸耕墾減陋規定津貼鞏秦之間民用大和臣近接秦州士民雷卸任秦州知州之稟鞏昌士民雷見署鞏昌知府之稟雖無歌誦周開錫之詞而所稱德政則皆周開錫所稟陳施措者民情亦大可見矣言者謂鞏秦爲完善之區前此并未大遭蹂躪自周開錫總統南路諸軍以來既不能禦外來之匪又激變范銘之勇致與官軍爲仇長賊勢臣未見原奏不敢多辯然南路軍務地方已有起色臣疊次所奏甚詳范銘之

變非由周開錫激成難逃

聖明洞鑒是非仍可覆按也軍中謠言最多鞏秦文武畏黑頭勇尤甚潰卒東竄之時號稱十數萬風謠四起比楊世俊追剿疊勝人心稍定而追過禮縣時署知縣蕭肇基運糧不及捏報楊世俊被賊截圍數段臣知其誣撤委追楊世俊躡追至岷以銳進猛攻爲賊所乘致挫羣謠復作周開錫堅持不動比楊世俊傅先宗劉明燈報臘八之捷徼及撫局臣批示勦到極處乃可言撫自首惡伏誅叛卒分起安插而羣詆亦漸息見在范銘眷屬猶在蘭州應領糧食仍照常給領臣前奏范銘棄軍走匿其下潰變或非其意所及惟尤芝政安桐貞罪在不赦應勦撫兼施迅圖蕝事茲局勢初定范銘知臣與周開錫無意殺之或赴蘭州自投亦未可定惟頃接見蘭州道張瑞珍坐補漢中府知府林士班自秦州來談及范銘一事據稱范軍未潰之先曾聞范銘自言伊在院帶兵曾接護前撫翁同書親屬有功又素稱林士班爲太世叔以其爲林之望堂叔也或請

奏稿卷三十八

聖

旨敕下陝西撫臣蔣志章委藩司翁同爵督辦陝西軍務臣劉銘傳委前甘肅藩司林之望前赴秦州會同鞏秦階道唐啟蔭查明地方實在情形及周開錫辦理此案有無激變情事以明國是而釋羣疑可否之處伏候

聖裁至甘肅之有楚軍自都興阿多隆阿由湖北帶來內多湖北

投誠之眾嗣楊岳斌總督陝甘所帶則湖南水軍諸多而皆名爲  
楚軍故蘭州厯設有楚軍糧臺不自臣始也臣軍雖名楚軍而陸  
續選募各省勇丁頗多本不僅楚人臣於楚軍固無所庸其徇庇  
合併聲明謹 奏

軍機大臣奉

旨另有旨欽此

奏稿卷三十八

恭謝 天恩并懇 追獎勞

臣摺同治十年二月二十一日

奏爲恭謝

天恩并懇

追獎勞 臣以昭激勸事竊 臣欽奉二月初二日

恩旨陝甘總督一等伯左宗棠運籌決勝調度有方著加恩開復降三級留任處分并賞加一騎都尉世職欽此跪聆之下感激涕零不知所措竊念 臣楚南下土章句陋儒蒙

文宗顯皇帝特達

恩知於疑謗交集時

優擢京卿昇以幫辦軍務重任

奏稿卷三十八

呈

皇上御極疊承

寵渥洵擢疆圻并荷

甄及微勞

錫封伯爵 臣拜官不敢辭而受爵不敢不辭者竊謂官者責以理人治事實心實力敬慎以圖凡愚尙能自勉至於爵賞則必功著當時名垂後世而後足以副茲

曠典而無忝竊之譏古人每以受爵不讓爲深戒暴得大名爲不祥者非無見也乃再辭未蒙

俞允至今每署銜名猶深祇懼茲因巨憝伏誅復荷

芝綸蠲其夙愆

恩施下逮實已至優極渥無可復加若復覲承

殊眷再叨世職之封臣無橫草之功而受

賞忝附分茅之後實覺愧負前驅將士無以策後效而勵將來伏念陣亡提督劉松山自秦晉轉戰燕齊返旆以來復踰千數百里淨埽數十萬匪徒力攻四百餘賊窟英銳忠勇絕少比倫不幸倉卒爲飛礮所中垂危之際猶以金積未平屬所部努力報

國語不及私并飭其姪錦棠將遺骸藁葬吳忠堡必俟事平始歸骨先隴昨金積既平劉錦棠搜得當時謀害劉松山逆賊馬八條極刑處死瀝血以祭劉松山之靈三軍雨泣臣提訊解到金積堡回眾均稱劉帥亡後堡中夜靜時聞戈馬之聲如怒潮湧至每月

奏稿卷三十八

吳

約三四次或五六次賊中每疑官軍夜襲不敢解衣就臥而上年十一月十六夜三鼓平涼城外忽聞大聲嗚嗚山谷響應守城將士疑爲狼嗥開礮轟擊比縋城出視了無所見臣時徘徊帳中覺其有異後得諸軍馳報是日馬化澹就擒矣然則前史所載毅魄忠魂時露靈異誠未得謂其盡屬虛語也臣與劉松山共事數年知其行軍律已實一時名將而一片忠愛之忱出於至性則古人實無以加每一追思悲痛不能自己合無仰懇

天恩將

賞加微臣騎都尉世職合之劉松山原得之三等輕車都尉照三

河殉難撫臣李續賓例

追賞劉松山令其嗣子嘉承襲則

盛典不虛前敵諸軍益知所感而

微臣

亦免忝竊之譏感荷

鴻慈曷其有極謹附驛瀝陳伏乞

皇太后

皇上聖鑒訓示施行謹 奏

軍機大臣奉

旨另有旨欽此

同治十年二月二十八日內閣奉

上諭原任廣東陸路提督劉松山由湖南軍營帶兵轉戰十餘省

屢著奇功上年正月因督師進攻甘肅馬五寨回匪中礮陣亡業

奏稿卷三十八

呈

經降旨優卹見在金積堡賊壘削平首逆就殲該提督靈柩尚未

回籍追溯前勳尤深矜恤劉松山著加恩賜祭一壇由左宗棠派

員前往致祭以慰忠魂欽此

軍機大臣字寄同治十年二月二十八日奉

上諭左宗棠奏南路官軍剿辦潰卒獲勝一摺范銘所部潰勇叛踞岷州經總兵傅先宗等督軍進剿獲勝擒斬逆首尤芝政等餘眾就撫業經撤粟賑濟挑畱壯健分置各軍編營安插其老弱婦女萬餘安置岷州給以籽糧督令耕作籌辦尙爲周妥此起潰勇人數龐雜前曾有焚掠劫搶之事該大臣慮及土客尋仇已將新收叛卒分別飭赴隴西伏羌秦安駐紮勤加訓練著嚴飭各營妥爲鈐束毋令再生事端范銘所部該大臣已逐一清釐其另案叛弁匪目及各省遊勇尙恐隨處涸迹仍當檄令周開錫認真清查漸次辦理以靖南路而遏亂萌此次各軍剿撫潰卒著有微勞及

奏稿卷三十八

吳

去冬攻堅陣亡將士准由左宗棠分別奏請獎卹另片奏覆陳周開錫并無激變貽誤情形等語南路軍務既據該大臣查明詳細陳奏足紓廛系所請敕令蔣志章等派員前赴秦州查辦之處著毋庸議周開錫既能任事不避嫌怨所有甘南軍務及地方釐稅錢糧已責成該道經理該大臣當飭周開錫聯絡各營及地方官和衷商辦不得一意孤行如有貽誤惟周開錫是問范銘見在是否投出仍著查明具奏另摺奏請將所得加賞世職追獎勞臣等語劉松山屢著奇功歿於王事朝廷軫軫惜殊深本日已明降諭旨賜祭一壇以慰忠魂俟甘省軍務一律肅清屆時再降恩旨該大臣請將賞加騎都尉世職追賞劉松山令其嗣子承襲之處著毋庸

庸議將此由五百里諭令知之欽此

奏稿卷三十八

完

審明叛逆眷屬按律議擬摺

同治十年三月初三日

奏爲審明叛逆眷屬按律議擬請

旨敕部核覆遵行恭摺馳陳仰祈

聖鑒事竊

臣前將金積堡首逆馬化澂暨馬耀邦馬建邦馬正邦馬九馬三馬成澂馬恆邦馬定邦等凌遲處死并將從逆要犯概予誅夷各情於同治十年正月二十五日由驛馳報在案嗣復派員將逆屬馬玉澂馬五十六馬五十九馬樹邦馬彥邦馬繼邦馬三和馬飛飛馬化瀾馬進孝馬由宗馬鎖馬沙杷馬七十子馬啞啞馬阿西子等男犯十六名口馬馬氏馬譚氏馬閻氏馬何氏馬毛抓抓馬毛亞亞馬三苗七名口又雇工牛占元楊阿肚子等二

奏稿卷三十八

辛

十六名口僕婦使女等九名口一併提至平涼委員審取確供臣覆加研訊馬玉澂卽馬七係首逆馬化澂堂弟前經手繳過槍礮係購自陝回均不堪用并據雇工及其親屬等供該犯曾與馬化澂經營槍礮等項眾證確鑿應按照共謀叛逆凌遲處死例凌遲處死雇工牛占元牛占寬等本黑龍江回民據供在馬化澂家受雇已十餘年往來包頭等處領本置貨同治七年官軍進剿該犯卽在金積堡并未外出其同謀抗拒可知應卽斬決比提馬玉澂牛占元牛占寬辦結外其馬五十六係馬耀邦之子馬五十九係馬建邦之子馬樹邦係馬九之子馬彥邦係馬三之子馬飛飛係馬成澂之子馬由宗馬鎖馬沙杷馬七十子係馬定邦之子馬繼

邦馬三和係馬玉澹之子均年未成丁訊明不知謀逆情事應照反逆案內問擬凌遲之犯其子訊明實係不知謀逆情事者無論已未成丁均解交內務府閹割發往新疆等處給官兵爲奴例解交內務府照例辦理馬五十六馬五十九馬飛飛馬由宗馬鎖馬沙把馬七十子馬三和俱年在十歲以下應照例牢固監禁俟年十一歲時再行解交內務府照例辦理馬化瀛係馬九期服兄又馬定邦之父馬阿西子係馬九已死期服兄馬化椿之子馬進孝馬啞啞係已死馬定邦期服兄馬安邦之子應照緣坐男犯并非逆犯子孫例發往新疆等處給官兵爲奴馬阿西子馬啞啞見均年在十五歲以下應牢固監禁俟成丁時再行發遣查新章發新

奏稿卷三十八

五

疆之犯俱改發黑龍江惟見據賊供黑龍江近亦有新教之黨在彼傳教應改發閩廣給官兵爲奴至女犯馬馬氏係馬化澹之妻馬譚氏係馬正邦之妻馬閻氏係馬正邦之妾馬何氏係馬建邦之妻馬毛抓抓馬毛亞亞係馬化澹之女俱應緣坐應照嘉慶十九年山東反逆案發閩粵等省駐防爲奴除馬馬氏業據報病故驗埋應毋庸議外其馬閻氏之女馬三苗例無緣坐明文應准該犯婦帶赴遣所馬化澹之女馬毛抓抓馬毛亞亞俱年幼應暫行收養俟及歲時再行發遣其訊無從逆之雇工僕婦使女等均發交平涼縣安插擇配是否如斯應請

旨敕部核覆遵辦再平涼縣監獄偏仄所有應行監禁收養男女

各犯擬發交陝西按察使衙門分別辦理除將各犯姓名年歲開單咨送軍機處刑部查照外謹恭摺馳陳伏乞

皇太后

皇上聖鑒訓示施行謹 奏

軍機大臣奉

旨刑部速議具奏欽此

奏稿卷三十八

三

穆生花眷口夥黨分別擬辦片

同治十年三月初三日

再巨逆穆生花卽穆三其祖穆大阿渾傳習新教與馬化澂之父馬二交好新教中推爲大善人穆大阿渾臨死以其常服白帽紅衣傳之馬化澂令其眾歸馬化澂管束穆生花與其弟穆四穆五均爲新教阿渾行教於秦安清水交界之蓮花城一帶與馬化澂互相首尾馬化澂喉其攻陷平涼府城固原州城其陷城也屠戕民人慘酷殊甚平涼爲甘肅中路大郡承平時城內外煙戶不止數萬亂後僅存百四十七戶男女丁口不滿七百縱橫數百里煙火寂然而白骨黃茅彌望皆是遺黎泣訴被禍之烈爲古今所未有也穆生花與其弟兄夥黨旋遷居金積堡助馬化澂抗拒大兵

奏稿卷三十八

三

上年五月穆生花以求撫未得知罪無可逃仰藥自盡金積堡平後陳湜黃鼎搜獲穆四穆五軍前正法解其眷口夥黨赴平涼平固民人以穆生花兄弟實逆案渠魁其眷口夥黨呈請按律擬坐<sub>臣</sub>擬俟其解齊另案分別擬辦以昭炯戒而快人心謹附片陳明伏乞

聖鑒謹 奏

軍機大臣奉

旨知道了欽此

訊明從逆武員王錫爵等凌遲處死片

同治十年三月初三日

再從逆武員王錫爵鐵秉忠兩犯經臣於審辦通逆犯官彭慶章

摺片內聲明解訊懲辦嗣據陳提等稟解王錫爵鐵秉忠時續將

袁世榮一犯一併押解到營臣親加提訊據王錫爵供稱雲南蒙

自縣回民由武進士花翎侍衛報捐都司分發甘肅隨征立功保

升花翎遊擊前陝甘總督樂斌委署花馬池營參將同治元年經

甯夏鎮派令帶兵一千名赴陝防堵在北關外偵探賊蹤即同所

帶回兵數名投入陝回鄒保和賊營七年四月同陝回到董志原

其眷口之在花馬池者先已移至金積堡該犯遂入金積堡同住

據鐵秉忠供陝西長安縣回民由行伍出征歷保藍翎都司銜守

奏稿卷三十八

奏

備前護陝甘總督恩麟委護靈州營參將同治八年十一月馬化

澂遣逆黨龔陷靈州城該犯投賊攜眷移住金積堡據袁世榮供

陝西鳳翔縣回民由行伍出征歷保花翎都司銜守備署陝西磚

坪營都司同治七年挈家眷投賊移住金積堡臣查王錫爵鐵秉

忠袁世榮均係從逆武職王錫爵并以女嫁馬化澂之孫爲妻訊

各賊供當官軍進攻金積堡時王錫爵袁世榮與首逆馬化澂之

子元惡馬耀邦分守西南北各城抗拒官軍最爲盡力尤屬罪大

惡極覆載難容臣於研究明確後即將王錫爵鐵秉忠袁世榮三

犯一併凌遲處死以昭炯戒理合附片具陳伏乞

聖鑒施行謹 奏

軍機大臣奉

旨知道了欽此

奏稿卷三十八

壹



奏稿卷三十八

114

軍機大臣字寄同治十年四月初十日奉

上諭金順奏回匪被勦求撫見籌妥辦一摺通貴餘匪遁入納家  
聞後冀與納萬郭等匪黨伺隙逃竄疊被官軍攔擊無路可逃擒  
斬著名首夥多名敗匪潰奔入寨窮蹙求降金順會商張曜勒令  
此起回眾盡繳馬械平毀寨牆若能悔罪輸誠將藏匿器械繳清  
聽受約束卽著該署將軍等分別妥爲安插予以自新倘敢怙惡  
不悛心懷疑貳仍著督兵痛勦毋畱餘孽甯靈西岸回務金順與  
張曜會商辦理總當分別良莠相機勦撫不可草率了事其投出  
靈州回民二百餘名金順已遣令東渡由該地方官收管安插著  
左宗棠飭令劉錦棠黃鼎遇此項回民抵籍卽飭行該管地方官

奏稿卷三十八

奏

隨時箱束妥籌安置毋令失所免致滋生事端陣亡之副將銜遊  
擊向清蘭把總吳天恆守備秦得銀王勝喜均著交部從優議卹  
金積堡攻復後左宗棠究從何路移營作何布置河狄匪勢若何  
如何設法追勦該大臣自應統籌全局將賊匪次第蕩平何以日  
久尙未奏及殊深塵系著卽將籌辦情形據實具奏不得稍涉遲  
回致負委任前據福濟等奏拏獲賊探成娃子係甘肅平番縣人  
寄居肅州據供同治八年楊軍門與回講和上年八月內回匪  
十人持楊軍門票出來貿易隨後出來五百人又有穆姓二人持  
楊軍門印票赴將軍公旂下貿易後跟賊三百多人等語所稱楊  
軍門是否卽楊占鼇有無此等情事著左宗棠查明具奏將此由

五百里各諭令知之欽此

奏稿卷二十八

卷

南路各軍截剿竄回獲勝摺

同治十年四月  
初八日會銜

祈

奏爲南路各軍截剿河州竄回階州剿回連獲勝仗恭摺馳陳仰

聖鑒事竊臣前因安定會甯時有回逆零騎竄越滋擾檄飭該處

附近防營隨時搜剿以靖地方正月二十四日督帶平江左右兩

營總兵蕭賞謙率隊出向會甯一帶搜剿行五十里至老河溝遇

賊馬三百餘騎蕭賞謙揮隊衝擊適分駐康家堡華家堡哨隊繼

至敗之賊由馬營東北向通渭大路竄走旋分而爲兩一踞該縣

後川鋪旋竄鋪路鎮一竄城西北三十里之坡兒川瓦房堡一帶

旋竄城東北四十里之黃家窰擾及秦安清水各縣界適統領奇

奏稿卷三十八

奏

捷馬步等營提督楊世俊剿平岷州潰卒周開錫檄令赴秦州秦

安適中之石佛鎮駐紮調知清水界內有另股賊竄秦州街子口

立飭所部馬隊馳往截剿并函會駐紮洛門鎮之總理宗岳全軍

營務提督張仲春截賊由鹽關西竄之路張仲春二月十一日得

報後訶知賊竄四門寨東四十里之廖家莊十二日黎明自率宗

岳禮營及副白旂馬隊馳抵廖家莊賊射睡未起官軍四面圍擊

賊驚覺死拒官軍槍轟矛刺斬馘殆盡奪獲騾馬二百餘匹槍械

稱是訊據擒賊供稱此股頭目張運隆係河回僞領員正月十三

日由河州竄出見在張運隆已斃於陣楊世俊又訶有另股分踞

秦安縣北魏家莊王家鋪一帶復調各旂馬隊北趨任當川扼賊

東竄并添調黃白兩旂四成隊合力圖之十一日遇賊於任當川賊瞥見官軍向西飛遁官軍窮追三十里天晚露宿十二日五鼓追及李家店偵賊熟眠弛備官軍急起掩之斃賊二百餘名生擒三十餘名奪獲騾馬七十餘匹槍礮各數十件餘賊負創狂奔官軍躡追至靜甯柏子岔沿途擒斬甚多十三日黎明追至馬家岔復痛剿之餘逆鮮有脫者收隊後查點官軍僅陣亡勇丁二名受傷九名訊據擒賊供稱賊首沙母驢子馬尢四等由河州北莊三甲集竄出見均斃於陣矣餘賊七八十名狂竄西和禮縣界復經提督蘇家良丁桂智縱馬追斬無遺此次河州馬步各賊共計不過千餘由安定分竄通渭秦安清水秦州西和禮縣各界颯忽狎

奏稿卷二十八

堯

至旋轉如風經各軍迎頭截尾殲除殆盡地方幸免蹂躪無誤春耕此鞏秦各屬剿辦獲勝情形也其另股回匪由成縣竄階州白馬關卡者代理州判烏克松阿力不能制二月二十九日竄及階州南路太石山守卡都司李宏珍擊敗之賊折竄黃鹿山管帶楚勇署階州知州道銜陝西補用知府洪惟善派副將鄧光耀率所部馳扼羅家堰派副將彭德沅遊擊王斌武守備周正秋率所部緊躡賊後遊擊李廣全率親兵團練扼紮大水瀾遊擊胡彪率親兵中哨扼紮小關嶺嚴陣以待賊竄黃鹿山團丁列隊兩旁崖谷彭德沅王斌武周正秋率隊擊之槍矛并舉斃悍賊三十餘名奪騾馬二十八匹賊紛紛潰走團丁奪獲騾馬五十餘匹賊竄向大

水瀾李廣全擊敗之三月初一日賊折由瓦房出竄彭德沅擊卻之復折竄羅家堰初二日鄧光耀擊之斃悍賊十餘名奪馬五匹洋礮一杆刀矛數件賊翻山紛竄團眾截獲騾馬甚多追至小關嶺胡彪率所部迎擊斃悍賊十餘名敗賊向禮縣雷家瀾一路遁逸此階州勦辦獲勝情形也臣查河州逆回從前無事時卽多騎馬遠出肆行劫掠之案與撒拉及米喇各回情性相似自甘南各軍復狄道憑洮設守屏蔽稍寬賊復從下游安定一帶繞道南犯蓋因官軍方勦潰卒妄意有隙可乘也此次竄賊雖不過千餘然分枝狂騁頗爲剽悍見官軍至輒望塵先遁瞬息無蹤幸岷州事定官軍扼要分駐地網四張卒亦無能善脫見在地方安謐臣

奏稿卷三十八

卒

已調提督銜前臺灣鎮總兵劉明燈帶所部馬步八營進駐馬營監以向安定徐文秀撥所部四營由靜甯州延紮會甯一面修治蘭州中大道以利輓運一面轉運軍糧子藥儲存靜甯州城以規進取蓋地荒已久人煙稀絕籌措艱難不得不次第爲之而進軍必先清後路通餉道又一定之局也所有南路官軍勦賊獲勝情形謹會同甯夏將軍臣穆圖善恭摺據實馳陳伏乞

皇太后

皇上聖鑒訓示施行謹 奏

軍機大臣字寄同治十年四月十六日奉

上諭左宗棠奏南路諸軍截勦竄匪獲勝一摺河州回匪分竄

秦各屬屢經官軍擊敗逆首張運隆沙母驢子等均斃於陣匪黨  
殲除殆盡另股回匪由成縣擾及階州亦經鄧光耀等擊退此次  
由安定南犯之賊不過千餘而分枝狂竄勢頗剽悍誠恐該逆先  
以小股嘗試繼將大股出竄以圖一逞左宗棠見調劉明燈所部  
入營進紮馬營監以向安定徐文秀撥所部四營由靜甯州延紮  
會甯并轉運軍糧以規進取著卽妥籌布置剋日進兵以期節節  
埽盪前據左宗棠奏稱撫回李德昌求赴河州曉諭近日該處情  
形究竟若何該大臣務當相度機宜速籌攻剿斷不可任其觀望  
遲回致墮緩兵之計金積堡收復後北路有無餘孽潛藏應否畱  
兵駐紮并如何調派各營分途西進之處均著詳細奏聞將此由

奏稿卷三十八

全

五百里諭令知之欽此

請禁絕回民新教摺

同治十年四月初八日

奏爲請禁絕回民新教以弭衅端而崇

聖化事竊回民以西戎族類雜居中土自古已然載籍詳矣就回民自數之典言之祖曰阿丹生於天方之野產七十二胎每胎男一女一自爲夫婦至爾撒而其教始興又六百年當隋開皇中有穆罕默德者生而神靈闡明清真之教回眾翕然從之其教始盛今回民稱天方教自稱曰穆民以尊穆罕默德故也又曰膜民以阿丹初生之祖言也其書有天經一部回族稱爲穆罕默德所受之天者又天方性理天方經典兩部則明代金陵回人劉智所撰皆發揮天經遺意以華人文字潤色之其教以識主爲宗旨似儒

奏稿卷三十八

奎

者所言明心見性以敬事爲工夫似儒者所言制外養中其教規所謂天道者五一曰唸謂誦經一曰禮謂報恩一曰齋謂絕物一曰課謂忘己一曰朝謂歸真所謂人事者五謂倫常之理七曰一禮拜亦與泰西各國同蓋其原本出於天主耶穌而時雜以佛氏之說稱華人爲大教自稱小教非如奇衰詭異之流專以句結爲事煽誘爲能也是故雜處中國千數百年婚姻未通俗尙各別傳習不同而未嘗敢萌他志歷代任其翔泳區宇之內讖禁無聞我朝錄其人才准其仕進由文武科甲得官擢至督撫提鎮者亦不乏人固未嘗以其進於中國而外之也乾隆年間兩江督撫臣奏回教不宜畱於中國

高宗純皇帝特加訓飭

聖謨洋洋足爲百世法乾隆四十六年逆回馬明心蘇四十三由西域歸詐稱得天方不傳之祕創立新教煽惑愚回謀爲不軌四十九年田五繼之大軍先後致討罪人斯得然其根株未能淨絕也嘉慶年間有穆阿渾者與首逆馬化澹之父馬二復以新教私相傳授至馬化澹而其燄漸張復託名經商到處煽惑回民行其邪教近據各賊供

京師齊化門直隸天津及黑龍江吉林之寬城子山西之包頭湖北漢口等處均有新教徒黨在彼傳教其傳教之人曰海裏飛如內地之稱經師曰滿拉如內地之稱蒙師而品望皆在阿訇之次

奏稿卷三十八

奎

馬化澹則自稱總大阿訇也其教規大略與回同老教亦同惟老教誦經則合掌向上新教則兩掌向上而不合老教端坐誦經新教則夥誦唧噥頭搖而肩聳老教送葬不脫鞋新教則脫鞋送葬凡茲細節異同固無關彼教輕重然新教之所以必宜斷絕者爲其自託神靈妄言禍福行爲詭僻足以誘惑愚回俾令甘心役使同陷大逆而不知加以顯戮而不悔一如白蓮清香無爲圓頓諸邪教之足以釀亂階而禍天下也臣於金積各犯解訊時細心推鞫有供稱馬化澹能知未來事者如遠客來訪必預知同伴多寡之數從前官軍攻剿甯靈馬化澹父子兄弟悉眾抗拒預言官軍將退回民無事之類有供稱馬化澹時露靈異療病則愈求嗣則

得之類有供稱馬化澹於投入新教之人向其自陳過犯罰撻皮鞭代爲懺悔即可免罪之類回性多疑善詐異於常人然一經新教蠱惑卽如醉如癡牢不可破方金積長圍久合時陝甘各回飢困殊常至殺人以食而馬化澹父子兄弟藏有餘粟無敢竊議之者迫局勢危迫至極猶且互相寬慰謂總大阿訇必有保全之法馬化澹詣營求撫意在一身塞咎見好諸回而諸回目踵營看視者日凡數輩見馬化澹輒雙膝齊跪不呼之起不敢起如非迷惑陷溺之深豈能至此茲幸誅夷遷徙異患可冀永除惟新教傳染已廣回民聚集之處率有傳習新教之人不及時嚴加禁絕仍慮歷時稍久故智復萌不逞之徒時思竊發又將重煩兵力也除已

奏稿卷三十八

畜

獲海裏飛阿訇諸逆穆四穆五馬承祺牛占元牛占寬等業經訊明懲處未獲之金師傅馬篆鮮二犯咨行各省一律捕治外一面出示曉諭所屬各府廳州縣回民嚴禁傳習新教其從前誤被新教迷惑之人概准自首悔教免其治罪庶幾漸趨覺路永拔迷津新教絕而回族安關隴可保百年無事也至各省傳習新教爲時尚淺良回僉稱新教傳染雖廣各省回民亦頗知爲彼教異端多有不肯遽信者如黑龍江回民約二千餘而傳習新教者僅祇百餘卽其明驗若乘此時嚴加諭禁無難預杜亂萌合無仰懇

聖慈敕下各將軍督撫大臣嚴禁回回新教出示轄境各回寺嗣後遇有新教阿訇海裏飛等到境煽誘愚回卽由各回寺首董縛

送所在官司訊明懲處其從前被誘誤入新教之人仍准首悔免罪則愚回有所懼良回有所慕不但地方可臻安謐卽回民亦長荷

高厚保全之恩於無既矣

臣每繹

廷旨分良匪不分漢回敬仰我

皇上仁育義正之德上符

高宗實握千古治戎機要謹就愚昧之見據實陳奏伏乞

皇太后

皇上聖鑒訓示施行謹 奏

軍機大臣奉

奏稿卷二十八

奎

旨畱中欽此

軍機大臣字寄同治十年五月初六日奉

上諭前據左宗棠奏請禁絕回民新教一摺所稱乾隆年間回逆馬明心等創立新教惑眾滋事先後伏誅根株未絕至馬化澂之父馬二等復以新教私相傳授遂至釀成變亂皆由新教行爲詭僻足以誘惑愚回迷而不悟見在馬化澂雖已伏法而新教傳染漸廣必須嚴加禁絕以杜亂萌等語所奏自爲思慮豫防起見惟回民散居各省同隸編氓各安生業若因區別舊教新教設爲厲禁地方官稍不加察書吏藉此搜求騷擾必至回眾驚疑轉生枝節從前乾隆四十九年回逆田五等滋事以後欽奉

高宗純皇帝聖諭查辦此事止當分別從逆與否邪正之殊不必論其教之新舊欽此嗣於乾隆五十四年經勒保奏稱新教爲回教之大害擬令靜甯等處頭人訪察稟首復奉

聖諭令其設法化導不可區別新舊之名仰見

垂訓周詳具有深意此次馬化澂倡亂及身旣被刑誅徒黨亦遭殲戮正可借此剴切曉諭俾該回眾等及早改悔不至誤入迷途自陷罪戾該督見旣出示所屬州縣禁習新教并准自悔免罪仍著嚴飭該地方官妥爲開導不可操之過蹙致激事端所請敕令各省一體禁絕之處可從緩辦理也將此諭令知之欽此

湘軍異常出力各員先行請 獎摺

同治十年四月初八日

奏爲遵

旨將湘軍異常出力各員先行擬請

獎敘并續查湘軍在事最久戰功最著各員懇請

恩施恭摺馳陳仰祈

聖鑒事竊<sub>臣</sub>前因金積逆巢蕩平元惡悍黨概行殲除將在事出力各員先行擇尤隨摺請

獎嗣於同治十年二月初二日欽奉

上諭金積堡首要各逆馬化澂等均已伏誅甯靈肅清本日已明降諭旨將左宗棠等及出力各員分別加恩獎勵矣章合才等十

奏稿卷三十八

李

二員統帶湘軍異常出力此次所有勞績著左宗棠先行擬請獎敘仍著該大臣存記俟甘肅全省廓清再行奏請恩施等因欽此仰見我

皇上於慎重名器之中仍寓激勵將士之意當卽恭錄分行去後茲據總統老湘全軍三品卿銜雲騎尉世職道員劉錦棠將所請世職之章合才等十二員改擬獎敘懇爲核奏并稱此外尙有記名提督易致中譚拔萃余虎恩李占椿潘運璋譚上連等六員在事最久戰功最著懇一併先爲奏請

獎敘等情前來<sub>臣</sub>查章合才等十二員係奉

旨由<sub>臣</sub>先擬獎敘仍行存記之員茲據劉錦棠擬獎前來應卽先

爲奏懇

恩施至記名提督易致中等六員均係湘軍營官始終在事勞績最著自應一併先爲請

獎以昭激勸所有前擬請世職之頭品頂帶記名

簡放提督江蘇蘇松鎮總兵

賞穿黃馬褂法福靈阿巴圖魯章合才頭品頂帶記名

簡放提督

賞穿黃馬褂綳武巴圖魯蕭章開頭品頂帶記名

簡放提督

賞穿黃馬褂達桑阿巴圖魯何作霖頭品頂帶記名

奏稿卷二十八

奏

簡放提督

賞穿黃馬褂博奇巴圖魯陶定昇頭品頂帶記名

簡放提督

賞穿黃馬褂呼敦巴圖魯李雲貴等五員擬先請

頒賞物件前擬請世職之頭品頂帶記名提督綳武巴圖魯諭執

益頭品頂帶記名提督請換清字勇號曾松明頭品頂帶記名提

督穆精阿巴圖魯王承贊頭品頂帶記名提督請給清字勇號尹

興茂頭品頂帶記名提督剛安巴圖魯周雲祥頭品頂帶記名提

督請換清字勇號席大成等六員擬先請交部照一等軍功例從

優議敘前擬請世職之頭品頂帶記名

簡放提督倭什洪額巴圖魯熊有常擬先請

賞穿黃馬褂其在事最久戰功最著之頭品頂帶記名提督圖勒柄阿巴圖魯易致中記名提督請換清字勇號譚拔萃頭品頂帶記名提督奇車博巴圖魯李占椿頭品頂帶記名提督達春巴圖魯潘運璋頭品頂帶記名提督請換清字勇號譚上連等五員均請

賞穿黃馬褂頭品頂帶記名提督奇車博巴圖魯余虎恩請

賞給三代正一品封典以示優異所有遵

旨將章合才等十二員名先行擬請

獎敘并續保各員緣由謹繕摺馳陳伏乞

奏稿卷三十八

九

皇太后

皇上聖鑒訓示施行謹 奏

同治十年四月十六日內閣奉

上諭前因甘肅金積堡賊巢蕩平提督章合才等統帶湘軍異常出力當經諭令左宗棠先行擬請獎敘仍存記俟甘肅全省廓清再行奏請恩施茲據奏稱遵旨先行請獎并續查出力各員懇請一併給獎等語該員等勦賊出力著有勞績自應量予獎勵提督章合才蕭章開何作霖陶定昇李雲貴著各賞給白玉翎管一支白玉搬指一箇玉柄小刀一把大荷包一對小荷包兩箇諭執益曾松明王承贊尹興茂周雲祥席大成均著交部照一等軍功例

從優議敘熊有常易致中譚拔萃李占椿潘運璋譚上連均著賞  
穿黃馬褂余虎恩著賞給該員三代正一品封典該部知道欽此

奏稿卷三十八

審明叛逆穆生花等眷屬按律議擬摺

同治十年四月初八日

奏爲審明叛逆穆生花穆四穆五等眷屬按律議擬請

敕部核覆遵行恭摺馳陳仰祈

聖鑒事竊臣前將叛逆穆生花仰藥自盡搜獲穆四穆五軍前正

法各情於同治十年三月初三日奏報在案并聲明俟黃鼎將逆

眷解齊再行分別擬辦拜摺後臣恐解到難民或有逆屬隱匿在

內卽飭委員認真查訊嗣據委員稟稱在各起難民內查出穆生

花之妻穆馬氏妾穆米氏子穆風娃穆馬十女海兒迷花兒五兒

哈兒蠻穆風娃之妻穆楊氏穆馬十之妻穆王氏穆四之妻穆王

氏子穆哈兒閉穆買四穆哈兒閉之妻穆馬氏穆五之妻穆張氏

奏稿卷三十八

主

子穆蛋兒穆擺開并雇工等八名共二十五名口一併拏獲稟請

核辦前來臣以穆生花等眷口旣經黃鼎等看押何以平涼復查

出多名不勝詫異當飭黃鼎將所押逆眷迅解來平以憑審辦嗣

據黃鼎將所押逆眷十三名口解到委員提審據平涼查獲穆生

花等眷口供稱穆四穆五正法後該逆眷等自知情罪重大變易

姓名混入各起難民解來平涼希冀安插幸免并供認穆生花穆

四穆五傳習新教屠城戕官不諱黃鼎解到逆眷內僅穆四之妾

穆楊氏一名係屬眞犯餘皆親屬雇工冒名頂替同情狡詐至於

此極查穆生花穆四穆五皆係叛逆首犯其眷口自應照謀反大

逆例分別問擬除穆生花上年仰藥自盡穆四穆五軍前盡法懲

處毋庸再議外穆生花之子穆風娃穆四之子穆哈兒閉二名應照謀反大逆子孫年十六歲以上緣坐例辦理臣於定擬後卽監視該二犯正法其穆生花次子穆馬十穆四次子穆買四穆五之子穆蛋兒穆擺開等四名俱年在十五歲以下訊明實係不知謀逆情事應照謀反子孫實係不知謀逆事情者無論已成丁均解交內務府閹割發往新疆等處給官兵爲奴例解交內務府照例辦理穆買四穆蛋兒穆擺開三名俱年在十歲以下應照例牢固監禁俟年十一歲時再行解交內務府照例辦理查新章發往新疆之犯俱改發黑龍江黑龍江見有新教之黨在彼傳教應改發閩廣等省給官兵爲奴穆生花之妻穆馬氏穆四之妻穆王氏

奏稿卷三十八

七

穆五之妻穆張氏穆生花之長女穆海兒迷三女穆五兒五名係反逆之妻女俱應緣坐應照嘉慶十九年山東反逆案發閩廣等省駐防爲奴穆生花之次女穆花兒四女海兒蠻二名訊係自幼過房與人應照過房與人不坐例免其追坐穆生花之妾穆米氏穆四之妾穆楊氏穆生花長子穆風娃之妻穆楊氏次子穆馬十之妻穆王氏穆四之子穆哈兒閉之妻穆馬氏俱係反逆子妻亦應緣坐惟訊供皆係搶擄霸佔而來查反逆案内未載搶佔婦女免其緣坐明文惟強佔良家婦女律內無論爲妻妾及配子姪除本犯科罪外婦女不坐離異給親旣應斷離是與該犯已無名分應傳其親屬具領擇配其訊無從逆之雇工戚屬人等均發交平

涼縣安插是否如斯應請

旨敕部核覆遵辦其應行監禁各犯仍發交陝西臬司衙門分別  
辦理除將該犯姓名年歲開單咨送軍機處刑部查照外謹恭摺  
馳陳伏乞

皇太后

皇上聖鑒訓示施行謹 奏

軍機大臣奉

旨刑部議奏欽此

奏稿卷三十八

三

請將金運昌委員鄧瑞徵革職片

同治十年四月初八日

再前於同治九年四月初十日承准軍機大臣字寄同治九年

四月初三日奉

上諭阿拉善親王報稱提督金運昌委員鄧瑞品在該旂採辦糧石拷打市民縱勇搶掠糧草駝隻旂民驚慌等情似此任性妄爲實屬不成事體著左宗棠飭令金運昌將該委員撤回查明如有騷擾各情嚴行懲辦等因欽此當卽恭錄行知飭查去後茲據金運昌稟稱委員鄧瑞品卽指省兩淮補用鹽大使鄧瑞徵上年二月經金運昌委令攜銀四千兩赴阿拉善旂辦糧因甯夏一帶賊騎滋擾派副將羅允謙帶馬勇二十名護送前往抵該旂後先定

奏稿卷三十八

著

糧數百石嗣協理台吉阿布俚以各軍均有委員辦糧只允該軍買糧二百石鄧瑞徵因定糧在先不允致與阿布俚不合鄧瑞徵意在多買復以大言恐嚇市民令其交糧是實至該處草價每斤八十文馬勇只出價三十文買草交價時蒙員巴圖巴依與馬勇吳得勝爭價彼此口角鬪毆經羅允謙查明卽將吳得勝正法委員鄧瑞徵雖無拷打市民縱勇搶掠等事實屬辦理不善且查該委員前在甯夏虞祥等堡辦糧藉端招搖短欠糧價經該處紳民控告始將糧價交清等情稟請從嚴參辦前來臣惟大軍抵甯靈以來各軍多委員赴阿拉善旂辦糧該旂員等幫同採購深願大局乃該委員鄧瑞徵奉委辦糧并不和衷商辦致與阿布俚不合

又不能約束勇丁致令滋生事端雖經金運昌查無拷打市民縱勇搶掠等情究屬任性妄爲且據稱鄧瑞徵在甯郡採辦糧石藉端招搖短欠糧價經該處紳民控告始將糧價交清尤爲貪鄙相應請

旨將指省兩淮鹽大使鄧瑞徵革職并請

敕部將該員陝西肅清案內擬保補缺後以知州用并戴藍翎一併撤銷永不敘用并不准投效軍營以昭儆戒理合附片覆陳伏乞

聖鑒訓示施行謹 奏

同治十年四月十六日內閣奉

奏稿卷三十八

五

上諭前因記名提督金運昌委員鄧瑞品在阿拉善旂採辦糧石拷打市民縱勇搶掠當經諭令左宗棠查明懲辦茲據查明具奏委員鄧瑞品卽鄧瑞徵雖查無拷打縱掠情事而奉委採買糧石并不與協里台吉阿布哩和衷商辦又不能約束勇丁致令滋事實屬任性妄爲且該委員前在甯夏辦糧藉端招搖短欠糧價迨經紳民控告始行交清尤爲貪鄙分發兩淮鹽大使鄧瑞徵著卽革職永不敘用其所得補缺後以知州用并戴藍翎保案一併撤銷并不准投效軍營以昭儆戒該部知道欽此

